

ତୀମଥ୍ୟଙ୍କ ନିକଟକୁ ପ୍ରେରିତ ପାଉଲଙ୍କ ଦ୍ଵିତୀୟ ପତ୍ର ତିମତିଦି ଲାକ୍ତୁ ପ୍ରେରିତ ପାଉଲତି ମାରିଉନ୍ତ୍ରୁ ଆକୁ ଇୟା ଆକୁଦୁ ମାନି ଏସ ବିସୟ

ମାରିଉଣ୍ଡି_ ତିମତି ଆକୁ ପାଉଲତି ମାଣାନ୍ ଖାନି ସିସୁ ତିମତିଦି ଲାକ୍ତୁ ରାସ୍ତିମାନି ଆକୁ । ମାରିଉଣ୍ଡି_ ତିମତି ପାଉଲତି ଜିବନ୍ତି ସାରାସାରି ବେଡାଦୁ ରାସ୍ତିମାନି ଆକୁ ଇକା ।

ଇୟା ବେଡାଦୁ ଖାନ୍ ରୋମ୍ତି ଜଇଲ୍ତୁ ତେବାତା ମାର୍ହାନ୍ ୧:୧୭ ପାଉଲତି ଖାଲେ ତିମତିଦି ପୁରା ମିସାବିଡାନିକା ମାର୍ହାଡ ମାରି ଝିଜୁଖାଲେ ଖାନିଙ୍ ମାରିନ୍ ଖାଜା ରାସ୍ନାନ୍ ପିଲିପିୟ ୨:୨୨, ୧ ତିମତି ୧:୨, ୧:୧୮ ଇକା ପାଉଲତି ୪ ନାଲିଗି ବଇଙ୍ ମାଣୁକୁ ଉନ୍ତେ, ଆମାମାନୁ କି ମଣ୍ଡଲିଦିଙ୍ ଅରେନ୍ ଲୋକ ରାସ୍ନାନ୍ । ଆଇ ୩ ମୁନ୍ତ୍ରୁ ବଇଙ୍ ଝିଜୁ ୧ ତିମତି, ତିତସ, ମାରି ଫିଲିମନ । ମାରିଉନ୍ତ୍ରୁ ଆକୁ ରାସାନି ବେଡାଦୁ ରମିୟ ଦେସ୍ତୁ କାସ୍ତୁଆଜିମାର୍ହାଡ । ଆନ୍ମାନତାନ୍ ଇୟା ପାଣି ମାନିଙ୍ ପାଉଲ ଜଇଲ୍ତୁ ମାର୍ହାନ୍ ମାରି ତିମତିଦିଙ୍ କାସ୍ତୁ ସାସ୍ କିଦେଙ୍ ଆଦେସ୍ ସିଜିମାର୍ହାନ୍ । ପାର୍ତୁମ୍ ତିମତି ଇସାବତାନ୍ ପାଉଲ ତିମତିଦିଙ୍ ମିର୍ ଝେରୁନି ଗୁରୁରି ବିସୟତାନ୍ ଏସ ଜାଗ୍‌ରାତାଦି ମାଟେଙ୍ ସିନାନ୍ । ୧ ତିମତି ୧:୧୭-୧୮ ପାଉଲ ତିମତିଦିଙ୍ ଇନାନ୍ ଜେ, ବବିସଡ୍‌ଦୁ ନାଣ୍ଡ କାସ୍ତୁଦି ବେଡା ମାନାଡ୍ ୩:୧ ।

ଇୟା ଆକୁଦୁ ମାନି ଏସ ମୁକ୍ୟ ବିସୟ

୧. ପାଉଲ ତିମତିଦିଙ୍ ନମସ୍କାର ଜାଣେକିଜି ମାରି ଖାନିଙ୍ ସାହାସ୍ ସିଦୁ । ୧:୧-୧୮

୨. ତିମତିଦିଙ୍କ ସାସ୍ ପାରମାଣ୍ କିଜି ତରନ୍ ଉଣ୍ଡିଙ୍କ ପାଉଲ ସାହାସ୍ ସିନାନ୍ । ୨:୧-୧୩
 ୩. ଖେନ୍କା ପାଉଲ ଏସ ସମାନ୍ତି ମାଟେଙ୍କ ସିନାନ୍ । ୨:୧୪-୨୭
 ୪. ବବିସତ୍ ଗଟନା ବିସୟତାନ୍ ଜାଗାଟା ତେବାନିକା ମାରି ସତ୍ତି ରାସ୍ତା ଆସ୍‌କିନି ଉଣ୍ଡିଙ୍କ ଜାଗାଟା କିନାନ୍ । ୩:୧-୪:୮
 ୫. ପାଉଲ ତିମତିଦିଙ୍କ ଏସ ନିଜେଦି ମାଟା ସିଜି ରାସ୍‌ନିକା ଖିସ୍‌ତାନ୍ । ୪:୯-୨୨

^୧ ନାନ୍ ପାଉଲ, କ୍ରିସ୍ତ ଜିସୁଦି ଖାଲେ ମିସାତି ମାଣାନ୍ ମାପୁରୁଦି ପାରମାଣ୍ତି ଇସାବ୍‌ତାନ୍ ମାପ୍ ଆମା ଜିବନ୍ ପୟତା ମାନାପ୍, ଆକା ଖେରତେଙ୍କ ମାପୁରୁଦି ମାଟା ଇସାବ୍‌ତାନ୍ ନାନ୍ ଅରେନ୍ ସିସୁ ଖାଜା ଖାତାମାନା ।

^୨ ନା ଲାଡ୍‌ତି ମାରିନ୍ ତିମତିଦି ଲାକ୍‌ତୁ ନାନ୍ ଇୟା ଆକୁ ରାସ୍‌ସିନା : ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତ ମିଙ୍ଗ୍ ଦୟା, ସାକା ମାରି ସାନ୍ତି ସିପିନ୍ ।

ଦନ୍ୟବାଦ୍ ନି ଖେଡ଼ିକାଦି ମାଟା

^୩ ନା ପୁର୍ବେଦିତକ୍‌ରାଦାଦାରି ଖାଜା ନାନ୍ ମାପୁରୁଙ୍କ ନେଗି ବୁଦିଦାନ୍ ସେବା କିଜି ଖାଜିନା, ଖାନିଙ୍କ ଦନ୍ୟବାଦ୍ ସିଜିନା । ନା ପାରତନାଦୁ ଖେରସି ଖେଡେନାଡା ନିଙ୍ଗ୍ ଏଡ୍ କିନିଖାଲେ ନାନ୍ ମାପୁରୁଙ୍କ ଦନ୍ୟବାଦ୍ ସିଜିନା ।

^୪ ନି କାଣେରୁଙ୍କ ନାଙ୍ଗ୍ ଏଡ୍ ମାନାଡ୍ ମାରି ନିଙ୍ଗ୍ ସୁଡ଼ୁଜି ସୁକ୍ ଆନି ଉଣ୍ଡିଙ୍କ ନାନ୍ ବଦା କିଜିନା ।

^୫ ନି ତକ୍‌ବିବି ଲୋୟି ମାରି ଆଇସି ଇଉନିସି ଆମାଖାଜା ବିସ୍‌ବାସ୍ କିଜିମାହାଡ୍, ମିଦି ବା ଆୟା ଜିବନ୍ତି ବିସ୍‌ବାସ୍ ମାନାଡ୍ । ଇୟା ମାଟା ନାନ୍ ଏଡ୍ କିଜିନା । ମି ଆୟା ବିସ୍‌ବାସ୍ ମାନାଡ୍ ଇଜି ସତ୍‌ତାନ୍ ନାନ୍ ନେସ୍‌ନା ।

^୬ ନାନ୍ ନି ମୁସ୍‌କୁ କିୟ୍‌ସରପେ କିଡିଖାଲେ ନିନ୍ ମାପୁରୁମାଣାନ୍ ଆମା ଦାନ୍ ପୟତିମାରଇ, ତାନିଙ୍କ ଜିବନ୍‌କିଜି ଇଡ୍‌ଦେଙ୍କ ନାନ୍ ନିଙ୍ଗ୍ ଏଡ୍ କିବିସ୍‌କିଜିନା ।

୭ ମାପୁରୁ ମାଙ୍ଗୁ ଆମା ଆମା ଦାନ କିତାମାନାନ୍, ଆକା ମାଙ୍ଗୁ ତାରୁଲୋକ କିଏଡ଼, ମାରି ଖାନିମାଣାନ୍ ମାପୁ ସାକ୍ତି, ଜିବନ୍ନୋନିକା ମାରି ଆମାଦାନ ପୁରାବର୍ତ୍ତ ଆପିଡ଼ ।

୮ ଆଦେଙ୍ଗ ପ୍ରବୁ ଜିସୁଦି ବିସୟତାନ୍ ସାକ୍ୟୟ ସିଦେଙ୍ଗ ସେମାର୍ ଆମାର୍; ଖାନି ଉଣ୍ଡିଙ୍ଗ ନାନ୍ ଜଇଲୁଡୁ ନା ଉଣ୍ଡିଙ୍ଗ ବା ସେମାର୍ ଆମାର୍ । ମାରି ମାପୁରୁ ମିଙ୍ଗୁ ସିତିମାନି ସାକ୍ତି ଇସାବତାନ୍ ମିର୍ କ୍ରସ୍ତ ଜିସୁଦି ସୁସମାତାର ଉଣ୍ଡିଙ୍ଗ ଦୁଃକକାସୁ ପୟଦେଙ୍ଗ ତିଆର୍ ଆଦୁ ।

୯ ମା ନିଜେଦି ସଡ଼ପାଣିଦି ପୁରସ୍ସାର ଖାଜା ଖାନ୍ ମାଙ୍ଗୁ କୁକ୍‌ଏନ୍, କେବଲ୍ ଖାନି ଦୟାଦାନ ଖାନି ଉଦେସ୍ ପୁରା କିଦେଙ୍ଗ ମାଙ୍ଗୁ ଖାନି ଲାଡ଼ତିଲୋକୁ ଆନି ଉଣ୍ଡିଙ୍ଗ ରକିୟା କିତାମାନାନ୍ ମାରି ଆସକିତାମାନାନ୍ । କ୍ରସ୍ତ ଜିସୁଦି କିତିମାନି ପାଣି ପୁର୍ବେ କାଡ଼ାଦାନ ମାପୁରୁ ମାଙ୍ଗୁ ଇୟା ଦୟା କିଜି ଇଟତା ମାର୍ହାନ୍ ।

୧୦ ମାତର ଇଲେଇ ଇୟା ଦୁନିଆଦୁ ଖାତାନ୍ନୋ ରକିୟାକର୍ତ୍ତା କ୍ରସ୍ତ ଜିସୁ ଇୟାଞ୍ଜିକୁ ବିସୟ ଝେରତା ମାନାନ୍ । ଖାନ୍ ସାନି ସାକ୍ତିଦିଙ୍ଗ ମାରିଗିସ୍ କିତାମାନାନ୍ ମାରି ଖାନି ସୁସମାତାରଦାନ ଏସକାଙ୍ଗିଜିଜି ଜିବନ୍ତି ସାରି ଝେରତା ମାନାନ୍ ।

୧୧ ଇୟା ସୁସମାତାର ଝେରସି ବୁଜାକିଦେଙ୍ଗ ମାପୁରୁ ନାଙ୍ଗୁ ଅରେନ୍ ପେରିଡ଼ ସିସୁ ମାରି ଗୁରୁ ଖାଜା ଆସକିତାମାନାନ୍ ।

୧୨ ଆୟାଉଣ୍ଡିଙ୍ଗ ନାନ୍ ଇୟାଞ୍ଜିକୁ ଦୁଃକକାସୁ କିଜିନା । ଇରିଙ୍ଗ ନାନ୍ ଆମାଖାନିଙ୍ଗ ବିସବାସ କିଜିନା, ନାନ୍ ଖାନିଙ୍ଗ ନେଗେନ୍ତାନ୍ ନେସ୍ତାମାନା, ଆକା ସାଲକିଦେଙ୍ଗ ପେରିବିସାର ଦିନ୍ ସାନ୍ ଖାନ୍ ନାଙ୍ଗୁ ନେଗେନ୍ତାନ୍ ଇଡ଼ନାନ୍, ଇକା ସଡ଼ତାନ୍ ନେସ୍ସି ନାନ୍ ଇୟାସାନ୍ ପୁରାପୁରି ଆସା ଆଜି ତେବାତାମାନା ।

୧୩ ନାନ୍ ମିଙ୍ଗୁ ସିକିୟା ସିତିମାନିକା ସଡ଼ ବିସୟତିଙ୍ଗ ଡାଟତାନ୍ ଆସ୍‌ସୋ ଇଡ଼ଦୁ ମାରି ପ୍ରବୁ ଜିସୁ କ୍ରସ୍ତଦି ଖାଲେ ମିସାଜ ସଡ଼ତି ଜିବନ୍ନୋନିକା ମାରି ଦର୍ମ ବିସବାସତାନ୍ ତିଲାଏଣ୍‌ଗା ମାନ୍‌ଡୁ ।

୧୪ ଆମା ପେରି ବିସୟତି ଦାଇଡ଼ ମି ମୁସକୁ ସର୍ପେ ଆତାମାନାଡ଼, ମା ଲୋଇ ବାସାଜିମାନି ପବିତ୍ର ଆମାଦି ସାକ୍ତିଦାନ ଆୟାଞ୍ଜିକୁଦିଙ୍ଗ ଜାଗ୍ରାତା କିଜି ଇଡ଼ଦୁ ।

୧୫ ମିର୍ ନେସ୍‌ନିଦେର୍ ପୁଗେଲ୍ ନି ହର୍ମଗେନା ଖିଜୁ ଆସିଆ ଦେସ୍‌ତୁ
ଝିଜେରେ ନାଙ୍ଗ୍ ଡିସ୍‌ତା ସରାମାନାର୍ ।

୧୬ ଅନିସିପର୍ଦି ଇଲୁପରିବାର୍‌ତିଙ୍ଗ୍ ପ୍ରବୁ ଦୟା କିପିନ୍, ମାତର୍
ଝାନ୍ ବାର୍‌ବାର୍ ଝାଜି ନାଙ୍ଗ୍ ସାନ୍ତି ନି ଝେଡିକା ସିତାମାନାନ୍, ନାନ୍
ଜଇଲ୍‌ତୁ ଇଜି ଝାନ୍ ସେମାର୍ ଆଏନ୍ ।

୧୭ ମାତର୍ ରୋମ୍ ଗାଡ଼ତୁ ଇତି ଦାପ୍ରେ ଝାନ୍ ନାଙ୍ଗ୍
ପୋଇତାନ୍‌ନୋ ନା ଲାକ୍‌ତୁ ଝାତାମାର୍‌ହାନ୍ ।

୧୮ ପେରିବିସାର୍ ଦିନ୍‌ତୁ ପ୍ରବୁ ଝାନି ଉଣ୍ଡିଙ୍ଗ୍ ଦୟା କିପିନ୍, ଏପିସ୍‌ତୁ
ଝାନ୍ ନାଙ୍ଗ୍ ଏସ ସେବା କିତାମାର୍‌ହାନ୍, ମିର୍ ଆୟାଝିଜୁ ମାଟା
ନେସ୍‌ନିଦେର୍ ।

୨

କ୍ରିସ୍ତ ଜିସୁସ୍ ବିସ୍‌ବାସ୍‌ତି ସନ୍ୟ

୧ ନା ଝେଡିକାଦି ମାରିନ୍, କ୍ରିସ୍ତ ଜିସୁସ୍ ଝାଲେ ମିସାତିଙ୍ଗ୍ ଝାନି
ଦୟାଦାନ୍ ଆମା ସାକ୍ତି ପୟ୍‌ତିଙ୍ଗ୍, ଆବେଟ୍‌କୁ ମିର୍ ବପୁ ଆଦୁ ।

୨ ମାରି ଗାଦି ଲୋକ୍ ସାକିରି ଆଗ୍‌ଡି ନାନ୍ ପ୍ରଚାର୍ କିତିମାନି
ବାକ୍ୟଝିଜୁ ମିର୍ ଝେରଇମାନିଦେର୍ । ଆଇଝାରିଙ୍ଗ୍ ସିକିୟା ସିନି
ଉଣ୍ଡିଙ୍ଗ୍ ସାସ୍ ମାରି ବିସ୍‌ବାସ୍‌ତି ଲୋକା ଲାକ୍‌ତୁ ଆୟାଝିଜୁ ବିସ୍‌ୟ୍
ସର୍‌ପେ କିଦୁ ।

୩ କ୍ରିସ୍ତ ଜିସୁସ୍ ଅରେନ୍ ବିସ୍‌ବାସ୍‌ତି ସନ୍ୟ ଝାଜା ମିର୍ ଝାନି ଉଣ୍ଡିଙ୍ଗ୍
ଦୁଃକ୍‌କାସ୍ ପୟ୍‌ଦୁ ।

୪ ଜୁଦ୍ ସାଲାନ୍ ମାନିଝାଲେ ସନ୍ୟ କେବଲ୍ ଝାନି ସେନାପତିଙ୍ଗ୍
ଝେଡିକା କିନି ଉଣ୍ଡିଙ୍ଗ୍ ଦାନ୍‌ଆନା ମାନାନ୍ । ନାସ୍‌ଝାଲେ ଝାନ୍ ଇନି
ଦୁନିଆଦି ପାଣିଦୁ ମୋନ୍ ସିଏନ୍ ।

୫ ଉରୁକୁନିମାନ୍ ମିସାତି ମାନି କାର୍‌ଜିନିକାନ୍ ଉରୁକୁନିମାନି
ନିୟ୍‌ମତିଙ୍ଗ୍ ମାନାଏତିଙ୍ଗ୍, ଆବେନ୍ ଝାନ୍ କିନିପାଣିଦୁ ପୁରସ୍କାର୍
ପୟ୍‌ଦେଙ୍ଗ୍ ଆଟ୍‌ଏନ୍ ।

୬ ଆର୍‌ଝା ପାଣି କିତିମାନି ଲୋକ୍ ପାସି ଆତିମାନି ପାସିଦି ଆଗ୍‌ଡି
ବାଗ୍ ପୟ୍‌ନିକା ମାନାଡ୍ ।

୭ ନାନ୍ ଆମାକା ଖେରସିନା, ମୋନ୍ ସିଜି ସିନ୍ତା କିଦୁ, ଆରତିଙ୍ଗ
ଇୟାଞ୍ଜି ବିସୟତାନ୍ ଅରଡ଼ ବୁଜାଦେଙ୍ଗ ପ୍ରବୁ ମିଙ୍ଗି ସାକ୍ତି ସିନାନ୍
।

୮ ନାନ୍ ପ୍ରଚାର୍ କିତିମାନି ସୁସମାଚାର୍ ଇସାବତାନ୍ ଆମା
ସାତିମାଣାନ୍ ନିଙ୍ଗିତି ଜିସୁ କ୍ରିସ୍ତ ଦାଉଦ ରାଜାଦି କୁରୁମ୍, ଖାନିଙ୍ଗ
ଏଡ଼ କିଦୁ ।

୯ ଇୟା ସୁସମାଚାର୍ ପ୍ରଚାର୍ କିତାଆକା ନାନ୍ ତଙ୍ଗିରଏନ୍ ଖାଜା
ତରଆୟ ଆଜି କାସ୍ତୁ ବୋଗାଜିନା । ମାତର୍ ମାପୁରୁଦି ବାକ୍ୟଦିଙ୍ଗ ଏନ୍
ଜଇଲ୍ କିଦେଙ୍ଗ ଆଟ୍ଏନ୍ ।

୧୦ ମାପୁରୁଦି ଆସକିତିମାନି ଲୋକ କ୍ରିସ୍ତ ଜିସୁଦି ମାଣୁକୁ
ପୟତିମାନି ପରିତ୍ରାଣ ମାରି ଏସକାଙ୍ଗିଜିଜ୍ ଗୌରବ ପୟଦୁ,
ଇୟା ଉଦେସଦାନ୍ ନାନ୍ ଓଜୁ କାସ୍ତୁ ସାସ୍ କିଜିନା ।

୧୧ ଇୟା ମାଟା ଉନ୍ତୁ ପୁରା ସଡ଼ :

“ଜଦି ମାଡ଼ ଖାନି ଖାଲେ ସାତିମାନିକା,
ଆରତିଙ୍ଗ ଖାନି ଖାଲେ ଜିବନ୍‌ଆଜି ବା ଜିନାଟ୍ ।

୧୨ ଜଦି ମାଡ଼ ସାସ୍ ଆସସି ତେବାନାପ୍,
ଆରତିଙ୍ଗ ଖାନି ଖାଲେ ସାସନ୍ କିନାପ୍ ।

ଜଦି ଖାନିଙ୍ଗ ମାନାଏତିଙ୍ଗ,
ଆରତିଙ୍ଗ ଖାନ୍ ବା ମାଙ୍ଗି ମାନାଏନ୍ ।

୧୩ ଜଦି ଖାନି ଉଣ୍ଡିଙ୍ଗ ମାଡ଼ ଅବିସ୍‌ବାସ୍ ଆତିଙ୍ଗବା,
ଖାନ୍ ଓଜୁଦିନ୍ ବିସ୍‌ବାସ୍ ତେବାନାନ୍,
ଇରିଙ୍ଗ ଖାନ୍ ନିଜେଦି ବିସୟତାନ୍ ମିର୍ ଖେରତେଙ୍ଗ ଆଟ୍ଏନ୍
।”

ବିସ୍‌ବାସ୍‌ତାନ୍ ପାଣିକିନିକାନ୍

୧୪ ମିର୍ ଓଜୁ ବିସ୍‌ବାସ୍‌ରିଙ୍ଗ ଇୟାଞ୍ଜି ବିସୟତାନ୍ ଏଡ଼ କିବିସ୍
କିଦୁ ମାରି ସାସ୍ତ୍ରଦି ଅରଡ଼ ବିସୟତାନ୍ ଆଉଲି ଆଇ ଉଣ୍ଡିଙ୍ଗ ଖାରିଙ୍ଗ
ଜାଗାର୍‌ତା କିଦୁ । ଇୟାଖାଜା ଆଉଲି ଏଦି ଇନିକା ନେଗିକା କିଏଡ଼
ମାରି ଆମାକାର୍ ଆବେନ୍ନୁ ଖେନାର୍, ଖାରିନ୍ଦି ନାସ୍ତୁ ଆନାଡ଼ ।

୧୫ ମିର ସେମାର ଆଏଶ୍ୱରୀ ବୁଲୁଥିଲେ ଏଶ୍ୱରୀ ମାପୁରୁଦି ସତ୍ତ୍ୱାକ୍ୟ
ଝେରୁଡୁ; ଆରତିଙ୍ଗ, ଅରେନ୍ ବିସ୍ତାସ୍ତି ଲୋକୁ ଖାଜା ମିର ମାପୁରୁଦି
ପୁରା ପରିକାଦୁ ଜିଣାନି ବିସ୍ତାସ୍ତି ପୟନିଦେର୍ ।

୧୬ ଆମା ଦାମ୍ବୁଦୁସିଲି ବୁଦିସିଲି ବାକ୍ୟ ଝେନି ଲୋକ୍ତିଙ୍ଗ
ମାପୁରୁମାଣାନ ଅଲଗା କିନାଡ଼, ଆୟା ଝିଜୁମାଣୁକୁ ଆକ ମାନୁଡୁ ।

୧୭ ଆମାକାର ଇୟାଖାଜା ବାକ୍ୟ ଝେନାର, ଝାରି ସିକିୟା ସାବ୍ତି
ଗାଉ ଖାଜା ତିନିସିନାଡ଼ ଝାରି ଲୋଇ ମାନାର ହୁମାନାୟ ନି ପିଲିତ
।

୧୮ ଝାର ସତ୍ତ୍ୱାରିଦାନ ଝେରୁଏ ଆତାମାନାର ମାରି ଇୟା ଜିବନ୍ତୁ
ମାରିଡେସି ଜିବନ୍ତୁଆଜି ନିଙ୍ଗିକା ଗଟାତାମାନାଡ଼ ଇଜି ସିକିୟା ସିଜି
ଏସଲୋକା ଦାମ୍ବୁ ବିସ୍ତାସ୍ତିଙ୍ଗ ମାର୍ତ୍ତା ପୋକ୍ସିନାର ।

୧୯ ମାତର ମାପୁରୁ ଆମା ଡାବ୍ତି ମୁଲ୍ଲୁକୁନାଦି ତିଆର୍ କିତାମାନାନ,
ତାନିଙ୍ଗ ଏନ୍ ଦୁକ୍ତେଙ୍ଗ ଆବ୍ ଏନ୍ । ଆୟା କୁନାଦିକାଲୁ ମୁସ୍ତୁ ଇକା
ରାସ୍ତା ମାନାଡ଼ : “ମାପୁରୁ ଝାନି ନିଜେଦି ଲୋକାଙ୍ଗ ନେସ୍ତାନ
ଏନ୍ ନିଜେଦିଙ୍ଗ ମାପୁରୁଦି ଲୋକୁ ଇଜି ପରିଚୟ ସିନାନ, ଆୟାଝିଜୁ
ତାଗ୍ଲ ପାଣିଦାନ ଆକ ମାନିନ୍ ।”

୨୦ ଅରେନ୍ ପେରି ଲୋକା ଇନ୍ତୁ ଆଇଆଇ ଜାତିଦି
ସାଡ଼ଝାକୁଡୁକ୍ତିଙ୍ଗ ମାନେ । ଆବେଶାନ ଏସଗୋଟା
ନାଣୁଦାରାଦିକେଙ୍ଗ ବାଙ୍ଗିରାଓ ନି ଝେଡିଦାନ ତିଆର୍ଆତିକେଙ୍ଗ,
ମାରି ଏସଗୋଟା ଉଣା ଦାରାଦାନ ସିକ୍ଲାନ ନି ମାରାତାନ
ତିଆର୍ଆତିକେଙ୍ଗ । ଏସଗୋଟା ସାଡ଼ଝାଡୁବାଇଙ୍ଗ ପଣ୍ଡୁସ୍ତି ଝିଜୁ
ଝେଡିକାଦି ଝାଲେ ବ୍ୟବହାର ଆନେ, ଆଇକେଙ୍ଗ ଝିଜୁଦିନ୍ତି ପାଣିଦୁ
ଲାଗେ ଆନେ ।

୨୧ ଜଦି ଏନ୍ ଝିଜୁ ପାପ୍ ପାଣିଦାନ ନିଜେଦିଙ୍ଗ ନେଗିକା ଇଡିନାନ,
ଝାନ ପ୍ରବୁଦି ବିସେସ୍ ପାଣିଦୁ ବ୍ୟବହାର ଆନାନ, ଇରିଙ୍ଗ ଝାନ
ପ୍ରବୁଦିମାନୁ ଲାଡ଼ତିକାନ, ଝାନି ଉଣ୍ଡିଙ୍ଗ ଝାନ ଦରକାର । ଆମା ଇନି
ପେରି ପାଣିଦୁ ବ୍ୟବହାର ଆନି ଉଣ୍ଡିଙ୍ଗ ଝାନ ତିଆର୍ ମାନାନ ।

୨୨ ଆମାକାର ନେଗି ଜିବନ୍ତାନ ମାପୁରୁଦି ସାହାଜ୍ୟ
ପାରତାନା କିଜିମାନାର, ଝାରି ଲାକ୍ତୁ ତେବାଜି ମିର ମୁରୁଲି
ମାନିଝାଲେ ତାଗ୍ଲପାଣିଦାନ ଆକ ମାନୁଡୁ, ମାରି ଦାମ୍ବୁ, ବିସ୍ତାସ୍ତି,
ଜିବନ୍ନୋନିକା ମାରି ସାନ୍ତି ଉଣ୍ଡିଙ୍ଗ ପାଣି କିଦୁ ।

୨୩ ମାରି ଉନ୍ନତି ଦେବା ଝେରସିନା, ମିର୍ ମାରି ବୁଦ୍ଧିସିଲି ଆସ୍ପସିସାନିମାଣାନ୍ ଆକ ମାନ୍ତୁ । ମିରୁ ନେସ୍ନିଦେର୍, ଇରିଙ୍ଗ୍ ଇୟା ଝିଜୁଦି ପାଣି କେବଲ୍ ଲାଗାଜିସାନିକା ।

୨୪ ମାପୁରୁଦି ପାଣିକିନିକାନ୍ ଆଉଲି ଆନିକା ନେଗେଡ୍ ସିଲେ, ଝାନ୍ ଝିଜେରି ଉଣ୍ଡିଙ୍ଗ୍ ସାନ୍ତି ଆଜି ଅରେନ୍ ପୁରା ସାସ୍ତି ଗୁରୁ ଆନି ଦର୍କାର୍ ।

୨୫ ଝାନିଙ୍ଗ୍ ବିରୁଦ୍ କିଜିମାନି ଲୋକାନ୍ଦି ଦସ୍ତିବୁଲ୍ ଝାନ୍ ତାଟ୍ତି ଝାଜା ସାସନ୍ କିନିକା ଟିକ୍, ମାତର୍ ଏଡ୍‌କିଜି ସଡ୍ ପାଣି କିଦେଙ୍ଗ୍ ଆର୍ଡିଙ୍ଗ୍ ଅର୍ଲେନ୍ ମାପୁରୁ ଝାରିଙ୍ଗ୍ ସୁଜୋଗ ସିନାନ୍ ।

୨୬ ମାରି ଆମା ସୟତାନ୍ ଝାରିଙ୍ଗ୍ ତାନି ବଦା ପୁରା କିନି ଉଣ୍ଡିଙ୍ଗ୍ ତରତା ମାନାଡ୍, ସେତା ଆଜି ସୟତାନ୍ ଉରିଦାନ୍ ଡିସାନାର୍ ।

୩

ସାରାସାରି ଦିନ୍

୧ ମନେ ଇଡ୍‌ବୁ, ସାରାସାରି ଦିନ୍‌ତୁ ଗାଦି ରାଓକୁ ଝାଜି ଇନେ ।

୨ ଲୋକୁ ନିଜେଦିଙ୍ଗ୍ ତରାନିକା, ଦନ୍‌ଲୋବ୍, ଗର୍ବ୍, ନିନ୍ଦା; ଝାର୍ ବୁବାୟାୟାଙ୍ଗେ ମାନାଏଶ୍‌ଗା ଝାରିଙ୍ଗ୍ ଅପ୍‌ମାନ୍ କିନାର୍; ଝାରି ମୋନ୍‌ତାନ୍ ଦୟା ମାରି ଦାମ୍‌ ମାରାଗ୍‌ନାଡ୍,

୩ ଝାର୍ ଆନାର୍ ଆଇ ଲୋକା ସୁରି କିନିକାର୍, ରିସାଆନିକା ମାରି ବୟଙ୍କାକାର୍ଡିକାର୍; ଝିଜୁ ନେଗି ବିସୟତିଙ୍ଗ୍ କାଡାନାନ୍ ।

୪ ଝାର୍ ଗର୍ବ୍‌ଦାନ୍ କେଇନିକା ଆଜି ବିସ୍‌ବାସ୍ ଆରାକିଜି ମାରି ବିଚାର୍‌ସିଲିକାର୍ ଆନାର୍; ଝାର୍ ମାପୁରୁଦି ବକ୍ତିମାଣାନ୍ ଉଣିତିନିମାନ୍ ନାଣ୍ଟ ସୁକ୍ କିନାର୍ ।

୫ ଦାମ୍‌ଦି ସଡ୍‌ତି ସାକ୍ତିଦିଙ୍ଗ୍ ମାନାଏଶ୍‌ଗା ଝାର୍ ଆଡ୍‌ରେରି ଦାମ୍‌ପାଣିଦିଙ୍ଗ୍ ଝିଜୁ ଅଡ୍‌ବିନାର୍ । ଇୟାଝାରିମାଣ୍ଟୁ ମିର୍ ଆକ ମାନ୍‌ତୁ ।

୬ ଇୟାଝାଜା ଲୋକୁ ଏସଲୋକା ଇଲ୍‌କାଙ୍ଗ୍ ସୋଲ୍‌ସି ବପୁସିଲି ଆଇମେକା ମୁସକୁ ଆସା ଇଡ୍‌ନାର୍ । ଆମା ଆଇମେକ୍ ଇନିଇନି ଆସାଦି ଲାକ୍‌ତୁ ଆଜି ନିଜେଦି ପାପ୍ ବୋଜୁଦୁ ଆଜି ପଡେଆନେମାନେ ।

୭ ଆମାକେଙ୍ଗ୍ ଝିଜୁଦିନ୍ ସତ୍ ନେସ୍ତେଙ୍ଗ୍ ସେସ୍ତା କିଜିମାନେ, ମାତର୍ ତାନି ବିସୟ ପୟତ୍, ଇୟାଞ୍ଜାଆ ଆଇମେକାଙ୍ଗ୍ ୱାଞ୍ଜାର୍ ଝାରିଆଡ଼ଗି କିନାର୍ ।

୮ ଆଉ ଯନ୍ନିସ ମାରି ଯମ୍ବୁସ ଏଣ୍ଡେସ୍ ମୋସାଦି ବିରୁଦ୍ କିତାମାର୍ହାର୍, ଆୟାଞ୍ଜାଆ ଝେନ୍କାରି ଦିନ୍ତୁ ଇୟା ତାଗଇକାର୍ ସତ୍ତିଙ୍ଗ୍ ବିରୁଦ୍ କିନାର୍ ଝାରି ବୁଦି ପାଣି ସିଏଜିନାଡ଼ ମାରି ଝାରି ଦାର୍ମବିସବାସ୍ ବେକାର୍ ଆତାଡ଼ ।

୯ ମାତର୍ ଝାର୍ ନାଣ୍ଡୁ ଆଗ୍ତି ଆଦେଙ୍ଗ୍ ଆଟ୍‌ଏର୍ । ଅର୍ଲେନ୍ ଝିଜେରେ ନେସ୍ନାର୍, ଝାର୍ ଏସ୍ ବୁଦିସିଲିକାର୍ । ଯନ୍ନିସ ମାରି ଯମ୍ବୁସଦି ଜିବନ୍ତୁ ଆମାକା ଗଟାତା ମାର୍ହାଡ଼, ଝାରି ଜିବନ୍ତୁ ଆକାନେ ଗଟାନାଡ଼ ।

ସାରାସାରି ମାଟା

୧୦ ମାତର୍ ନିନ୍ ନା ସିକିୟା, ନା ବ୍ୟବହାର୍ ମାରି ନା ଜିବନ୍ତି ପାଣି ସୁଡ଼ୁଡ଼ିମାନିଦେର୍ । ନା ବିସବାସ୍, ସାସ୍, ଜିବନ୍‌ନୋନିକା, ସାନ୍ତି,

୧୧ ☆ନା କାସ୍ତୁ ମାରି ଦୁଃକ୍‌ବୋଗ୍ ନିନ୍ ସୁଡ଼ୁଡ଼ିମାନି । ନିନ୍ ନେସ୍ତିମାନି, ଏଣ୍ଡେସ୍ ଆଣ୍ଡିୟକ୍, ଇକନିୟା, ଲୁସ୍ତାଦୁ ନାନ୍ ନାଣ୍ଡୁ କାସ୍ତୁ ପୟତା ମାର୍‌ଆ । ମାତର୍ ଏଣ୍ଡେସ୍ ଝାନ୍ ଝିଜୁଦାନ୍ ପ୍ରବୁ ନାଙ୍ଗ୍ ଉଦାର୍ କିତାମାନାନ୍ ।

୧୨ ସତ୍‌ତାନ୍ ଆମାକାର୍ କ୍ରିସ୍ତ ଜିସୁଦି ଝାଲେ ମିସାଜି ଦାର୍ମଜିବନ୍ତାନ୍ ଜିଦେଙ୍ଗ୍ ଇଚ୍ଛା କିନାନ୍, ଝାରିଙ୍ଗ୍ ଦୁଃକ୍‌କାସୁଦିଙ୍ଗ୍ ସାମ୍‌ନା ଆଦେଙ୍ଗ୍ ପଡ଼ାନାଡ଼ ।

୧୩ ମାତର୍ ସୁରିଞ୍ଜାରିଗିନି ଲୋକ୍ ମାରି ପୁକାପୁଲିକିନିଞ୍ଜାରି ସାରି ପୁରାସେସ୍ ଆନିତରିନ୍ ଝାର୍ ଆଇଞ୍ଜାରିଙ୍ଗ୍ ଟକେ କିନାର୍ ସାରାସାରି ଝେନ୍କା ନିଜେ ଗୁଟାଦୁ ଆର୍‌ନାର୍ ।

୧୪ ମାତର୍ ଆମା ଝିଜୁ ସତ୍ ସିକିୟା କିଜି ତାଟ୍‌ତାନ୍ ବିସବାସ୍ କିଜିନିଦେର୍, ଆୟାଞ୍ଜିଜୁଦୁ ନିନ୍ ତାଟ୍‌ତାନ୍ ତେବାଆ । ନି ଗୁରୁର୍ ଏନ୍, ନିନ୍ ନେସ୍ତିମାନି ।

୧୫ କ୍ରିସ୍ତ ଜିସୁଦିମାନୁ ବିସ୍ବାସ କିଜି ରକିୟା ପୟନି ବୁଦି ଆମା ପବିତ୍ର ଦାର୍ମସାସ୍ତ୍ରୁ ସୁଡ଼ିତିମାନିଦେର୍, ମିର୍ କଡ଼ଝାଲେରାନ୍ ଆୟାଝିନ୍ନୁ ସାସ୍ତ୍ର ପଡ଼ାଜି ବୁଜାତିମାନିଦେର୍ ।

୧୬ ଝିନ୍ନୁ ଦାର୍ମସାସ୍ତ୍ର ମାପୁରୁଦି ମାଣାନ୍ ସିଆୟାଆତା ମାନାଡ଼ ମାରି ସଡ଼ ବାକ୍ୟ, ସିକିୟା, ମିର୍ତି ବିରୁଦ୍ କିଜି ମାରି ବୁଲ୍ତିଙ୍ଗ୍ ଟିକ୍ କିନି ଉଣ୍ଡିଙ୍ଗ୍ ଝେର୍ସି, ସଡ଼ ଜିଦେଙ୍ଗ୍ ଦାର୍ମସାସ୍ତ୍ର ସାହାଜ୍ୟ କିନାଡ଼,

୧୭ ଏଣେସ୍ ମାପୁରୁଦି ଲୋକୁ ପୁରା ଆଜି ଝିନ୍ନୁ ନେଗି ପାଣି ଉଣ୍ଡିଙ୍ଗ୍ ଜଗ୍ ପୟଦେଙ୍ଗ୍ ଆଟ୍ନାନ୍ ।

୪

୧ ମାପୁରୁଦି ଆଗଡ଼ି ମାରି ଝିନ୍ନୁ ଜିବନ୍ତିକାର୍ ମାରି ସାତିମାନି ଲୋକାଙ୍ଗ୍ ବିସାର୍ କିଦେଙ୍ଗ୍ ମାରି ସାସନ୍ କିଦେଙ୍ଗ୍ ଝାଜିମାନି କ୍ରିସ୍ତ ଜିସୁଦି ଆଗଡ଼ିନେ, ନାନ୍ ମିଙ୍ଗ୍ ଇୟା ତାଟ୍ ମାଟା ସିଜିନା,

୨ ବାକ୍ୟ ପ୍ରଚାର୍ କିଦୁ, ବେଡ଼ା ଅବେଡ଼ାଦୁ ବିସାର୍ କିଏଣ୍ଟା, ମିର୍ ସବୁଝାଲେ ଆୟା ବିସୟ ମୁସକୁ ନେସନ୍ ଝାଜା ବୁଜାକିନିଦେର୍; ସାହାସତାନ୍ ସିକିୟା ସିଜି, ଏସ୍ତିଝାଲେ ଆଦରିସ୍ କିଜି ଏସ୍ତିଝାଲେ ମାରି ଝେଡ଼ିକା କିଜି ଆଇଝାରି ମୋନ୍ତୁ ଆୟାଉଣ୍ଡିଙ୍ଗ୍ ଝେଡ଼ିକା ପିରିସ୍ନାଡ଼ ।

୩ ଦିନ୍ ଝାନାଡ଼, ଏସ୍ତିଝାଲେ ଲୋକୁ ସଡ଼ ସିକିୟାଦୁ ଝେନ୍ଏର୍, ଝାର୍ କେବଲ୍ ନିଜେ ନିଜେଦି ଆସା ବ୍ୟବହାର୍ କିନି ଉଣ୍ଡିଙ୍ଗ୍ ଲାଲାୟ୍ ଆନାର୍ ମାରି ଇୟାଉଣ୍ଡିଙ୍ଗ୍ ଝାରିଙ୍ଗ୍ ଲାକ୍ତୁ କିଜିମାନି ଟକେକିନି ଗୁରୁରିଙ୍ଗ୍ ଝାର୍ କୁକ୍ନାର୍ ।

୪ ସଡ଼ତି ବାକ୍ୟ ଝେନ୍ଏଣ୍ଟା ଲୋକା ମୋନ୍ତି କାତା ଝେନ୍ତେଙ୍ଗ୍ ବଦା କିନାର୍ ।

୫ ମାତର୍ ମିର୍ ଝିନ୍ନୁ କାସ୍ତୁଦିଙ୍ଗ୍ ସାସ୍ କିଦୁ; ସୁସମାଚାର୍ ଝେର୍ନିକାନ୍ ମାରି ମାପୁରୁଦି ବିସ୍ବାସତି ସେବାକିନିକାନ୍ ଝାଜା ମିର୍ ଦୁଃକ୍‌କାସ୍ତୁ ବୋଗାଦେଙ୍ଗ୍ ତିଆର୍ ଆଦୁ ।

୬ ନା ଜିବନ୍ତିଙ୍ଗ୍ ସର୍ପେ କିଜି ସିଦେଙ୍ଗ୍ ଇୟା ଦୁନିଆ ଡ଼ିସ୍‌ସୋ ସନ୍ତେଙ୍ଗ୍ ବେଡ଼ା ଝାତାଡ଼ିନି ।

୭ ଜିବନ୍ତି ନେଗି ଜୁଦ୍‌ତାନ୍ ନାନ୍ ସାନି ଖାଜା ଜୁଦ୍ କିଜିନା, ଜିବନ୍ ମାନିଖାଲେ ନାନ୍ ତିଆରକିତି ସାରି ଜିଣାତାମାନା । ନା ବିସ୍‌ବାସ୍‌ତୁ ନାନ୍ ତାଟ୍‌ ତେବାତାମାନା ।

୮ ଇଲେଇ ନାନ୍ ଦାର୍ମପାଣିକିନି ଉଣ୍ଡିଙ୍ଗ୍ ଜିଣାନି ପୁରସ୍କାର୍‌ ଇଟ୍‌ତାମାନାନ୍, ପେରିଦିନ୍‌ତୁ ନ୍ୟାୟକିନି ବିସାରକିନି ପ୍ରବୁ ନାଙ୍ଗ୍‌ ଆୟା ପୁରସ୍କାର୍‌ ସିନାନ୍, କେବଲ୍‌ ନାଙ୍ଗ୍‌ ସିଲେ; ଜିବନ୍‌ନୋନିକା ବକ୍ତିଦି ଖାଲେ ଆମାକାର୍‌ ଖାନି ଖାନିଦିନ୍‌ତିଙ୍ଗ୍‌ କାପକିତା ମାନାର୍‌, ଝିଜେରେ ଇୟା ପୁରସ୍କାର୍‌ ପୟନାର୍‌ ।

ଲୋକ୍‌ତି ମାଟା

୯ ନା ଲାକ୍‌ତୁ ବେଗି ଖାଦେଙ୍ଗ୍‌ ତିଆର୍‌ ଆଦୁ ।

୧୦ ☆ଦିମା ଇୟା ଇଲେଇତି ଦୁନିଆଦିଙ୍ଗ୍‌ ଜିବନ୍‌ନୋଜି ନାଙ୍ଗ୍‌ ଡିସ୍‌ତାସରା ମାନାନ୍, ଖାନ୍ ଇଲେଇ ତେସଲନିକିୟାଦୁ ସର୍‌ଆମାନାନ୍, କ୍ରେସ୍‌କେନସ୍‌ ଗାଲାତିଆଦୁ ମାରି ତିତସ୍‌ ତଲମାତିଆଦୁ ସର୍‌ଆମାନାର୍‌ ।

୧୧ ☆କେବଲ୍‌ ଲୁକ୍‌ ନା ଲାକ୍‌ତୁ ମାନାନ୍ । ମିର୍‌ ଅର୍‌ସେ ମାର୍କ୍‌ଙ୍ଗ୍‌ ଆସ୍‌ସି ଖାନିଦେର୍‌; ମାତର୍‌ ଖାନ୍ ନାଙ୍ଗ୍‌ ନା ପାଣି ସାହାଜ୍ୟ କିଦେଙ୍ଗ୍‌ ଆର୍‌ନାନ୍ ।

୧୨ ☆ତୁକିକସଦିଙ୍ଗ୍‌ ନାନ୍ ଏପିସ୍‌ତୁ ପୋକ୍‌ତାମାନା ।

୧୩ ☆ତ୍ରୋୟା ଗାଡ୍‌ତୁ କାର୍‌ପସ୍‌ଦି ଲାକ୍‌ତୁ ନାନ୍ ଆମା ଆଙ୍ଗ୍‌ ଡିସ୍‌ତା ଖାତାମାନା, ମିର୍‌ ଖାନିଖାଲେ ତାନିଙ୍ଗ୍‌ ଅର୍‌ସେ ଆସ୍‌ସି ଖାନି । ନା ବଇଙ୍ଗ୍‌ ନି ତଲୁବଇଙ୍ଗ୍‌ ବା ଆସ୍‌ସି ରାଆ ।

୧୪ ☆କଂସାରି ଆଲେକ୍‌ଜାଣ୍ଡର୍‌ ନାଙ୍ଗ୍‌ ନାଣ୍ଡୁ କାସ୍‌ କିତାମାନାନ୍, ପ୍ରବୁଦିମାଣାନ୍ ଖାନ୍ ନିଜେଦି ପାଣି ଇସାବ୍‌ତାନ୍ ଖାନ୍ ଦଣ୍ଡୁ ପୟନାନ୍ ।

୧୫ ମିର୍‌ ବା ଖାନି ଲାକ୍‌ତୁରାନ୍ ଜାଗ୍ରାତା ମାନ୍‌ତୁ, ଇରିଙ୍ଗ୍‌ ଖାନ୍ ମା ସୁସମାଚାର୍‌ ଝେର୍‌ତେଙ୍ଗ୍‌ ନାଣ୍ଡୁ ବିରୁଦ୍‌ କିଜିମାର୍‌ହାନ୍ ।

☆ ୪:୧୦ କଲସିୟ ୪:୧୪; ପିଲିମନ ୧:୨୪୨ କରିନ୍ଥିୟ ୮:୨୩; ଗାଲାତିୟ ୨:୩; ତିତସ୍‌ ୧:୪.

☆ ୪:୧୧ କଲସିୟ ୪:୧୪; ପିଲିମନ ୧:୨୪ପ୍ରେରିତ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ପିଲିମନ ୧:୨୪. ☆ ୪:୧୨ ପ୍ରେରିତ ୨୦:୪; ଏପିସ୍‌ୟ ୬:୨୧,୨୨; କଲସିୟ ୪:୭,୮. ☆ ୪:୧୩ ପ୍ରେରିତ ୨୦:୭. ☆ ୪:୧୪ ୧ ତିମତି ୧:୨୦ରୋମିୟ ୨:୭.

୧୭ ଆଗ୍ନିନେ ଏସ୍ତିଝାଲେ ନାଙ୍ଗୁ ନିଜେଦି ତରିନ୍ ସାମ୍ନା
କିଦେଙ୍ଗ ପଡ଼ାତାମାର୍ହାଡ଼, ଏନ୍ ନା ଲାକ୍ତୁ ତେବାଏତାର୍, ଝିଜେରେ
ନାଙ୍ଗୁ ଡିସ୍ତା ସର୍ହାର୍ । ମାପୁରୁ ଖାରି ଇୟା ଦୋସ୍ତିଙ୍ଗ ଆସ୍ମାକିନ୍
।

୧୮ ମାତର୍ ମାପୁରୁଦି ଝାଲେ ଏଡ଼କିଜି ଅଣଜିହ୍ମୁଦିରି ମାନୁ
ନେଗିକାରୁର୍ ପ୍ରଚାର୍ କିନି ଉଣ୍ଡିଙ୍ଗ ନାନ୍ ନାଶ୍ଟ ସାକ୍ତି ପୟ୍ତାମାନା ମାରି
ନାନ୍ ପାର୍ଗାନରେସ୍ତି ଝେୟ୍ମୁଦାନ୍ ବା ରକିୟା ପୟ୍ତାମାନା ।

୧୯ ନା ବିସ୍ବାସ୍, ପ୍ରବୁ ନାଙ୍ଗୁ ଝିଜୁ ତାଗ୍‌ଇ ପାଣିଦାନ୍ ରକିୟା କିଜି
ସାରାସାରିଝେନ୍‌କା ଝାନି ମୁସ୍‌କୁପୁରତି ରାଜିଦୁ ଅନାନ୍, ଝାନ୍ ଜୁଗ୍‌ଜୁଗ୍
ଝାନି ଗୌରବ୍ ଆପିଡ଼ ! ଆମେନ୍ ।

ସାରାସାରି ନେଗିମାଟା

୧୯ ☆ପ୍ରିସ୍ମିଲା, ଆକିଲା ମାରି ଅନିସିପର୍ଦି ଇଲୁପରିବାର୍ତୁ ନା
ମାଡ଼ିସ୍‌କିନିକା ଝେରୁଡ଼ ।

୨୦ ☆ଏରାଷ୍ଟ କରନ୍ତିଦୁ ତେବାତା ମାନାର୍, ତ୍ରପିମସ୍‌ଙ୍ଗ ଝାନି ନବ୍‌ତି
ଉଣ୍ଡିଙ୍ଗ ନାନ୍ ମିଲିଟସ୍‌ଦୁ ଡିସ୍ତା ଝାତାମାନା ।

୨୧ ପିନି କାଡ଼ା ଆଗ୍ନିନେ ଇବେନ୍‌ ଝାଦେଙ୍ଗ ସେସ୍ଟା କିଦୁ ।

ଇଡ଼ବୁଲସ୍, ପୁଦେନସ୍, ଲିନସ୍, କ୍ଲାଦିଆ ମାରି ଇବେଣିକାର୍
ଆଇଆଇ କ୍ରିସ୍‌ବିସ୍‌ବାସ୍‌ସିର୍ ତଡ଼ାନ୍‌କୁ ମିଙ୍ଗୁ ମାଡ଼ିସ୍‌କିନିକା
ଜାଣେକିଜିନାର୍ ।

୨୨ ପ୍ରବୁ ମି ଆମ୍‌ଦୁ ତେବାପିନ୍ ।

ମାପୁରୁଦି ଦୟା ମି ଝିଜେରି ଝାଲେ ମାନିଡ଼ ।

☆ ୪:୧୯ ପ୍ରେରିତ ୧୮:୨୨ ତିମତି ୧:୧୭,୧୭.
୧୭:୨୩ପ୍ରେରିତ ୨୦:୪; ୨୧:୨୯.

☆ ୪:୨୦ ପ୍ରେରିତ ୧୯:୨୨; ରୋମିୟ

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja
Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-05-07

PDF generated using Haiola and XeLaTeX on 6 May 2025 from source files
dated 7 May 2025

506ae627-08e2-556a-b39e-5315f886d95a